

## NUNAOIL A/S-IMIT TUSAGASSIUUTITIGUT NALUNAARUT

### NUNAOIL-IP UKIUMOORTUMIK NAATSORSUUTAI 2015

NUNAOIL A/S 2015-imi 30-liilluni nalliuttorsiorsinnaasimavoq ingerlatseqatigiiffik 1984-ip naalernerani amerikamiut uuliasiornermik ingerlatseqatigiiffiannut ARCO-mut (Atlantic Richfield Company) Tunumi Jameson Landip nunataata avataani uuliasiornermut akuersissummik tunineqarneranut atatillugu pilersinneqarsimammat. Aallaqqaammut ingerlatseqatigiiffimmi peqataasut tassaallutik ARCO, Arktisk Mineseskab A/S aammalu NUNAOIL A/S. NUNAOIL uuliasiornerup ingerlanneqarnerata nalaani akiagaasutut 25%-imik piginneqataassuteqarluni peqataalluni. Uuliasiornermi suliat piffisami 1985-imiit 1989-imut ingerlanneqarput, tassaanerullutillu sajuppillatsitsilluni paasissutissanik katersinerit. Jameson Landimi ukiut 25-it unit-tooqqaneqareerluni uuliap akia 2014-ip 2015-illu ingerlaneranni annertuumik appariartoraluaqisoq sumiiffiup ikummatissaqarsinnaanera soqutiginaateqaleqqissimavoq, tuluit uuliasiornermik ingerlatseqatigiiffiutaat GGO (Greenland Gas & Oil Plc.) NUNAOIL-ilu sumiiffimmi katillugit 5.495 km<sup>2</sup> -inik annertussuseqartumi uuliasiornermut akuersissutiniq marlunnik 2015-imi tunineqarmata. NUNAOIL uuliasiornerup nalaani 6,25%-imik akuersissutini piginneqataassuteqarluni akiagaasutut peqataavoq. Peqataaneq, akuersissutini tamani allanisut, kalaallit sunniuteqarnerannik, aalajangiisooqataanerannik, tunisassiornermut tunngasutigut ilisimasaniq pissarsinissamut minnerunngitsumillu Kalaallit Nunaanni ikummatissarsiornermi misilittakkanik katersinermik qulakkeerisuuvoq.

### Uuliasiornermi suliat 2015-imi ingerlanneqartut

Kalaallit Nunaata kitaata imartaani 2015-imi uuliasiornermi annertunerusunik sulianik ingerlatsineqarsimanngilaq, uuliasiornermi sammisat tassaaginnarsimallutik akuersissuteqarfiit ikummatissaqarsinnaanerannik naliliinernik ingerlatsiteqqiinerit.

Ukiuni aggersuni uuliasiornermi sulineq pingaartumik Baffinip Kangerliumarngani akuersissutitip attatsip arlaqartulluunniit piffissami allami ilaatinneqassanersut aalajangiineqassanersoq sunnersimaneqarumaarpoq.

Ukiuni kingullerni marlussunniituulli NUNAOIL-ip naatsorsuutigaa uuliasiornermi aamma 2016-imi Grønlandshave Tunup avannaata imartaa, akuersissutaateqartut suliasianik pilersaar-

taannut atatillugu suli paasissutissanik katersuiffiusoq, sammineqarumaartoq. Aamma 2016-imi sajupillatsitsilluni paasissutissanik 2D-nik, akuersissuteqarfiusuni geologiskemut tungasunik paasiniaanerup ingerlateqqinnissaanut pilersaarutitut sumiiffiullu imminut akilersinnaanissaata naliliiffigeqqinnissaanut tungaviusussanik, katersineqarnissaa naatsorsuutigineqarpoq,

Nunami uuliasiorluni iliuuseqarnerit ukiuni tulluuttuni marlussunni, qanittukkut akuersissutinik Jameson Land-imi tunniussaqaqarnermi aammalu Disko-mi Nuussuullu Qeqertaasaani 2016-imi pilersaarutaasumik nutaamik qinnuteqartussarsiuussineqarnerani, annertusisussaassapput.

***Aningaasaqarnikkut 2015-imi angusarisat 2016-imullu ilimagisat***

Ukiuumut angusarisaasuni 6.579.000 koruuninik amigartoorneqarpoq, tamannalu ilimagisanit 1,6 mio. koruuninik pitsaanerussuteqarluni. Tamatumunnga pissutaasoq annerpaaq tassaalluni aningaasartuutit tungaasigut sipaarutissanik atuutilersitsineq. Ingerlatseqatigiiffik siusinnerusukkut sajupillatsisinernik tunisaqartarnikkut annertuumik kaaviiartitaqartarsimavoq, ukiunili kingullerni ukiuni kingullerni sajupillatsitsinikkut paasissutissanut aningaasali-ineqartarsimangimmat paasissutissanik tunisaqarnikkut kaaviiartitaqarnissaq tamatumuunalu aamma ingerlatseqatigiiffimmi sinneqartooruteqarnissaq ilimagineqanngilaq.

Uuliap akiata siunissami qanoq ingerlanissaa siusinnerusumi takusartakkanut sanilliullugu nalorninartoqarnerujussuuvoq. Nunarsuaq tamaat isigalugu 2015-imi tunisassiornermi ukiuni siuliini tallimani tamani 20%-imik annikinnerusut uuliasiornermut atorneqarsimapput (IEA-mitt tusagaq). Uuliasiornermut sipaarutit tamakkua atuutiinnarnaviangitsut siulersuisut naliliipput nunarsuarlu ataatsimut isigalugu aningaasarsuutit qaffaqqissallutik, siunissami aamma pilersuineramik qulakkeerineqassappat. Ilumoorporli ukiuni aggersuni uuliamik tunisassiorneq tamarmiusoq imaannaangitsunik anigorniagassanik naleqqusaaanernillu na-laataqartartussaasoq. Tamannalu aamma NUNAOIL-imut sunniuteqartussaavoq, ingerlatseqatigiiffillu siunissaq eqqarsaatigalugu qanoq ajunnginnerpaamik piginnittorisaminut iluaqutaasinnaassanersoq pillugu oqaloqatiginninnerit iliuutsillu siulliit aallarnisaataasut 2015-imi ingerlassimavai. Tamakkunatigut ilungersuuteqarnermini ingerlatseqatigiiffiup ingerlanniagaq erhvervsPhD, Kalaallit Nunaanni uuliasiornerup soqutigineqarnerulernissaanik uuliasiornermilu ajoqutaasinnaasunik aningaasartuutitaanillu annikilliliinermik siunertaqartoq, akuersissummik pissarsissutigisimallugu.

NUNAOIL-ip 2016-imi 7.034 mio. koruuninik amigartooruteqarnissaq ilimagaa.

Paasissutissat erseqqinnerusut annertunerusulluunniit pillugit pisortaq Hans Kristian Olsen oqarasuaat (+299) 32 87 03 imaluunniit [hko@nunaoil.gl](mailto:hko@nunaoil.gl) aqqutigalugu attaveqarfigiuk.

---

## **PISSUTSIT PIVIUSUT - NUNAOIL A/S PILLUGU**

- NUNAOIL TASSAAVOQ Kalaallit Nunaata uuliasiornermik ingerlatsiner mi inuiaqatigi-innit pigineqartumik ingerlatseqatigiiffiutaa Namminersorlutik Oqartussanit 100%-imik pigineqartoq. NUNAOIL ukiut 30-t sinnerlugit piusimavoq ingerlatseqatigiiffiullu suliaissai NUNAOIL pillugu inatsimmi aalajangersagaallutik, tassani allasimalluni NUNAOIL-ip Kalaallit Nunaanni ikummatissarsiornermi Inuiaqatigiit peqataanissaat isumagisassarigaa.
- NUNAOIL Kalaallit Nunaata toqqaviani uuliasiornermut iluaqutiginninnermulluunniit akuersissutini (kisermaassinermit akuersissutit) piusuni tamani 12,5 %-imik imaluunniit 6,25%-imik pigineqataassuteqarluni peqataavoq.

NUNAOIL uuliasiornerup nalaani akiagaasutut peqataavoq taamaasillunilu Kalaallit Nunaat uuliasiornermi sulianut akiliineq ajorpoq. NUNAOIL akuersissutini peqataasut allat naligalugit peqataavoq. NUNAOIL-ip peqatigisaasa uuliasiornerup ingerlanerani NUNAOIL-ip sulianut aningaasartuutai akilertarpaat. Taamaasilluni kalaallit inuiaqatigiit aningaasaqarnikkut sulianilu uuliasiornerup nalaani ajutoorutaasinnaasunut asserneqarsimallutik.

- NUNAOIL ingerlatseqatigiiffinni kisiartaalluni Kalaallit Nunaanni kisermassinermit akuersissutini tamani peqataasuvoq taamaammallu Kalaallit Nunaanni isumalluutini ajunginnerpaanik atuinissap qulakkeernissaa eqqarsaatigalugu immikkorluinnaq qitiusumik inissisimalluni. NUNAOIL taamaasilluni ilisimasat Kalaallit Nunaanni tammaatsaliorsinnaavai aalajangiusimallugillu aammalu uuliasiornerup iluatsinnissaanut periarfissat akuersissutini peqataasut assigiinngitsut akornanni annertusaavigalugit.
- NUNAOIL-ip ulluinnarni suliaasa ilaatigut ilagaat paasissutissanik paasiniaanerit, akuersissuteqarfiusuni ataatsimiinnerni peqataanerit, atortussanik qanorlu pi-soqarsinnaanerani takorluukkanik pilersitsininerni tapertaaneq, isumaqatigiissuterpasuarini peqatigisanik suleqatiginninnermik aqutsisuusunut tunngasunik inatsisinut tunngasunik sulianik ingerlatsineq. Kiisalu aamma NUNAOIL-ip uuliasiornerup sillimaniarnermut avatangiisinuulu sapinngisaq tamaat asattuussisumik ingerlanneqarnissaa sulissutigisaraa.
- 2015-ip naanerani NUNAOIL uuliasiornermut iluaqutiginninnermullu akuersissutini 17-ini, katillugit 99.394 km<sup>2</sup>–nik annertussuseqartuni peqataavoq.
- NUNAOIL arfinilinnik sulisoqarpoq, tamarmik Nuummi najugaqarlutillu sulisunik sulisorisallu tassaallutik pingaartumik uuliamik tunisassiornermut tunngasutigut immikkut iisimasaqartut. .

*NUNAOIL-ip siunertaa tassaavoq Kalaallit Nunaanni uuliasionerni qalluineruq peqataanissaq ikummatissanullu akuersissutini uuliasionermik ingerlatseqatigiiffiusunut tunniunneqartuni tamani, Kalaallit Nunaannut inuiaqatigiit aningaasaqarnerannut annertunerpaamik ilu- anaaruteqarnissaq qulakkeerniarlugu peqataassalluni, aammalu Kalaallit Nunaanni ilisimas- anik qanorlu iliornissamik ilisimasamik katersineq aalaj-ngiussinissarluni.*